


上

65195

詞海遺珠



詞海遺珠序

粵自鴻濛始肇人文鬱開黃虞
以前無論已商周以來懷鉛吮
墨抱玉握珠聯肩接武莫不集
於帖帙紀於稗官洋洋乎會爲
詞海矣然銘詩序記片簡尺牘
湮淪磨滅什棄荆榛墟莽間者

殆亦不少好之者弗遇遇之者
弗收俾珠璣零落不藉采擷之
用可勝悼哉

道亭勞公篤竒古之好挾鑒賞
之精弱冠即通籍金閨觀風海
嶠固嘗凌泰岱躡徂徠攬勝龜
蒙盡齊魯之墟又東走吳會錢

唐天目供其觀括蒼南明獻其
矚西入巴蜀則青城峨眉錦江
劍閣咸按轡焉車轍馬跡半歷
寰宇所遇殘碑斷碣蚪蚪鳥文
斯籀之篆委卧崖壁莫不捫蘿
躋險磨苔剔蘚左右顧而度幾
一遇若饑渴之求飲食商賈之

求珍竒登於片刻貯之奚囊積
二十年而錦照璧合充牣篋笥
矣萬曆乙亥之冬王子行役潯
陽拜公于所居私第公出眎之
王子曰富哉言乎夫虬龍片甲
鸞鳳一毛得之可以娛耳目矜
竒特而况文乎哉是集也禹窆

商鼎黃竹石鼓皇王之文姜鼎
毛敦齊銘秦詛列國之文碑表
序記歌謠頌誄卿大夫士庶之
文以至風塞霜閨縉流羽客負
戈之戍卒窺鼎之奸雄採其華
不論其世撮其秀不計其人向
固坑劫湮埋散棄荆秦墟莽間

也今出之幽陬傳之通都大邑
寧非曠古一快哉以考古者論
其世以決疑者覈其真以崇德
者闡其幽以誅心者窺其秘以
文學者資其博以呻吟者鉤其
玄譬之珠璣沉淪合浦祇爲鮫
人之玩採而得之旖旎歲黜可

飾可珮而照乘懸堂隨其所用
無弗宜已昔有秘王充論衡者
或觀之因謂惟與君共毋廣也
今公茲編積之有年而布之一
旦曾無幾微係吝其卓越中郎
多矣向屬南康守盧君整節推
吳君邦刻之工竟乃敢僭引諸

首云

萬曆丙子仲春旣望浙東震所
王乾章書于白鷺書院

詞海遺珠序

上嘉古儁著作登壇片賦隻詞
木難鼃采勒鐘斷碣石鼓逸文
散著稗官間藏名嶽垂光金石
歷景春秋殘簡流芬鴻篇脫談
後車踐訪夜燭蒐獵獲諸聞見

委于䟽記固殊全璧當是遺珠
排續成帙唵觀快心苑其清裁
銜其玄致定茲粗點置之座右
非有好者不以眎也

萬曆三年乙亥流火之初柴桑
人勞堪書

詞海遺珠卷之一

潯陽勞堪編

東陽王乾章校

倉頡為帝南巡登陽虛之山臨于玄扈洛汭之水靈
龜負書冊甲青文以授之文提二十八字景刻于陽
虛石室李斯止識八字曰上天畱命皇辟送王

衡山雲密峯神禹碑承帝曰嗟翼輔佐卿水處與登
鳥獸之門參身洪流而明發爾典久旅忘家宿岳麓
庾智營形折心罔不辰往來平定華岳泰衡宗䟽事

哀勞餘伸榷鬱塞昏徒南瀆衍亭衣制食備萬國其
寧寗舞未奔

商鼎銘嘽嘽之德不足就也不可以矜而祗取憂也
嘽嘽之食不足徃也不能為膏而祗離其咎也

周宣王石鼓文甲鼓云我車既攻我車既同我車既
好我馬既馳君子云獵云獵云遊鹿鹿速速君子之
求寧寧肉弓弓茲以時我驅其時其來猗猗德德矣
矣即御即時鹿鹿速速其來大空我驅其僕其來續
續射其豚屬

乙鼓云汧絜泛泛丞彼湖淵鱣鯉處之君子漁之漫
漫有鱈其遊微微白魚鱣鱣其類底鮮黃白其鱗有
鮒有白其胡孔庶鬻之臭臭洋洋趨趨其魚惟何惟
鯁惟鯉何以橐之惟揚及亦

丙鼓云田車孔安繁勒駢駢六師既簡左驂翻翻左
驂騁騁我以濟于原我戎止陸宮車其寫秀弓時射
麋豕孔庶鹿鹿雉兔其原有迪其戎奔奔大車出洛
亞獸白澤我執而勿射多虞遯遯君子乃樂

丁鼓云帥彼鑿車忽速填如秀弓孔碩彤矢奕奕四

馬其鳴六轡沃若徒駢孔廣靡時宜博首車載道如
徒如章原隰陰陽趨趨六馬射之簇簇有龜如虎
鹿如兕怡爾多賢迪禽奉雉我兔兕異

戊鼓云我來自東雷雨奔流逆湧盈盈潔隰君子既
涉我馬流汧汧繫洎淒丞士駕言西歸舫舟自廓徒
駢連連惟舟以道或陰或陽極深以戶出于水一方
丞徒惶止其奔我以阻其乃事

已鼓云宣猷作原作周尊造我辭攸除帥彼坂田莽
為世里希微穢穢乃畧漆栗柞棫其拔櫟櫟庸庸鳴
條亞箬其華何為所旂寢寢水盤導首樹幽晤

庚鼓云徒御嘽嘽然而師旅填然會同又繹以左戎
障弓矢孔疲滔滔是熾射夫馬矢具奪舉紫其徒肝
來或群或友悉率左右燕樂天子來嗣王始振振復
古我來攸止

辛鼓云彼走駢駢馬廐曾曾華華雉位多慶儼我
師氏憲憲文武何其一之

壬鼓云我水既淨我道既平我行既止嘉樹則里天
子未寧日惟丙申旭日杲杲我其旁導栗馬既迪秋

夏康康駕彼四黃左駟騁騁右駟駟駟駟以夾汝
不執德潘翰黎黎旒旒施施公謂大來余及如兹邑
曷不余及

契鼓云吳人憐丞朝夕傲惕載西載北勿奄勿伐若
而出奇進獻用特歸格藝祖告于太祝禘嘗受享致
其方藝寓逢中囿孔庶麇鹿原隰旣坦疆理曠曠大
田不蒐君子何求有謀有始周爰止于是

周齊侯鐘銘惟王五月辰在戊寅師于淄陽公曰汝
及余經乃先祖余旣敷乃心汝小心畏忌汝不墜夙

夜官執而政事余命汝政于朕三軍肅成朕師旗之
政德諫罰朕庶民左右毋諱及不敢弗敬戒虞卹乃
死事穆和三錫休命公曰及汝康能乃有爭率乃敵
僚余用登純厚乃命汝及毋曰余小子汝敷余于艱
阻虞卹不易左右余一人余命汝城差正饗繼命於
外內之事中敷溫刑汝以敷戒公家應卹余于命刻
伐履司敗乃靈師保正臣惟輔咸有九處禹之都不
顯穆公之孫其配歆公之妣而鍼公之女雩生叔是
儻于齊侯之所是小心共齊靈乃考虎謹恪其政事

有共于相武靈公之所相武靈公錫乃吉金鐵錫玄
銀漆鑪乃用作鑄其實鐘用享于其皇祖皇妣皇母
皇考用祈眉壽令命難老不顯皇祖其作福元孫其
萬福純魯和協而九事畏若鐘鼓外內斷辟都俞造
而屏臬毋或承類

姜鼎銘惟王九月乙亥晉姜曰余惟嗣政先姑公晉
邦余不辱安寧經雍明德宣邇我敵用招君辭辟委
揚乃先烈虔不墜諸單享以寵我萬民嘉清錫我虎
賁千兩勿廢文侯顯命俾貫通弘征鯨湯原取乃吉
金川作寶尊彝川康西夏安懷遠廷君子晉姜用勸
綽綽眉壽作敷為函萬年無疆用享用德峻保其子
孫三壽是利

毛伯敦銘惟二年正月初吉王在周邵宮丁亥王格
于宣榭毛伯內門立中廷佑祝邢王呼內史冊命邢
正曰邢昔先王既命汝作邑繼五邑祝今余惟曠商
乃命錫汝赤芾彤鳧脊黃纒旂用事邢拜稽首敢對
揚天子休命邢用作朕皇考龔烝尊敦邢其眉壽萬
年無疆子子孫孫永寶用享

周郊鼎銘王命尸臣官此郇邑賜尔旂鸞繡黻琫戈
尸臣拜手詣首曰敢對揚天子丕顯休命

秦詛楚文云又秦嗣王敢用吉玉瑄璧使其宗祝郇
馨布愆告于不顯大沉久湫以底楚王熊相之多
罪昔我先君穆公及楚成王寔戮力同心兩邦若一
絆以婚媾軫以齊盟曰葉萬子孫毋相為不利親仰
大成久湫而質焉今楚王熊相康回無道淫泆耽亂
宣修競緹變渝盟刺內之則暴虐不辜戮孕婦幽刺
親戚拘圉其叔父寘諸寘室橫棺之中外之則曷改

久心不畏皇天上帝及大沉久湫之光烈威神而無
倍十八世之詛盟率諸侯之兵以臨加我欲剋伐我
杜稷伐滅我百姓束蔑法皇天上帝及大沉久湫之
卹祠圭玉犧牲逮取我邊城新郢及郇長親我不敢
曰可今又悉興其衆張矜億怒飾甲底兵奮士盛師
以偪我邊境將欲復其脫迹莊是秦邦之羸民故賊
鞞輸棧輿禮使介老將之以自救也亦應受皇天上
帝及大沉久湫之幾靈德賜堯劑楚師且復畧我邊
城敢數楚王熊相之倍盟犯詛著諸石章以盟大神

之威神

秦蜀守李冰誓江神碑竭不至是盛不沒腰足游壩
堰官碑涂淘渾淺包馮

漢魯相晨孔子廟碑昔在仲尼叶光之精大帝所挺
顏毋毓靈承啟遭衰黑不代倉周流應聘嘆鳳不臻
自衛反魯養徒三千獲麟趣作端門見徵血書著紀
番王響應主為漢制道審可行乃作春秋復演孝經
酌定六藝象與天談釣河搏洛却換未然魏魏蕩蕩
與乾比崇

漢泰山都尉孔宙碑於顯我君懿德惟光紹聖作儒
身立名彰貞登王空間闕是更夙夜在公在公明明
乃綏二縣黎儀以康於天時離撫茲岱方窺彼凶人
覆俾遐荒南啟孔盭山有夷行豐年多乘稱彼兕觥
帝賴其勲民斯是皇疚天不吊乃委其榮忠告慙慙
屢省乃聽恭儉自終簞簋不陳生播高齋沒垂令名
未矢不刊億載揚聲

漢博陵太守孔彪碑辭穆穆我君大聖之胃淳懿允
元獻其玄秀惟嶽降精誕生忠良奉應郡貢亮彼我

皇克明王道辯物居方周召榮畢展也匹名朝無統
政直哉惟清出統華夏化以典成奸猾殄逆賢倚帝
庭帝重乃勛自獲專征所歸如神之屏之翰先民是
程宜乎三事金鉉利貞而潔白駒俾世憤惻當享眉
耆莫匪爾極大命近止邈矣不意于嗟悲兮予以歎
息漫漫庶幾復焉所力咨乎不朽沒而德存伊尹之
休格于皇天惟我君績表于丹青未末無泯與日月
并于嗟悲兮予以慰靈

漢司隸校尉魯峻碑銘巖巖山嶽礪落彰較棠棠忠
惠令德孔燦命德時生雅度弘綽允文允武厥姿烈
遠內懷溫潤外撮強虐督司京師穆然清邈當塗緄
臧為國之權匪究南山遐邇惻凡百君子欽謚嘉
樂永傳億齡映美昴昴

蔡邕光武濟陽宮碑王室中微哀平短祚姦臣玉莽
偷有神龜有十八年罪盈惡熟天人致誅帝乃龍見
白水淵躍昆涇破前隊之衆殄二公之師收兵畧地
經營河朔於是群公諸將據河洛之文協符瑞之徵
會曰歷數在帝踐祚允宜乃以建武元年六月即位

于鄙縣之陽五城之陌祀漢配天罔失舊物享國三十有三年方內人安蠻夷率服巡狩太山禪梁父皇代之遐迹帝者之上儀罔不畢舉道德餘慶延于無窮先民有言曰樂樂其所自生而禮不忘其本是以虞稱瀉汭姒美周原皇天乃眷神宮實始于此厥路邈哉所謂神麗顯融越不可尚小臣河尹瑋來在濟陽顧見神宮追惟桑梓衰述之義用敢作頌其辭曰赫赫炎天爰曜其暉篤生聖皇二漢之微稽虔虔則誕育靈姿黃籙作愿慈握天機帝赫斯怒爰整其師應期潛見扶陽而飛禍亂克定群兇殄夷匡復帝載萬國以綏述于四岳展義省方登封降禪升于中皇爰茲初基天命孔彰子子孫孫保之無疆

漢魯相造孔廟禮器碑惟永壽二年青龍在涖歎霜月之靈皇極之日魯相河南京韓君追惟太古華胥生皇雄顏誕育弘寶俱制元道百王不改孔子近聖為漢定道自天王以下至于初學莫不瞻思嘆仰師鏡顏氏聖舅家居魯親里并官聖妃在安樂里聖族之親禮所宜異復顏氏并官氏邑中以尊孔心念聖

言海通經卷之二
九
歷世禮樂陵遲秦項作亂不尊圖書背道畔德離敗
聖輿倉糧亡于沙丘君於是造立禮器樂之音符鐘
磬瑟鼓雷洗觴觚爵鹿柎桓籩柝禁壺修飾宅廟更
作二輿朝車威燾宣杼玄汗以注水流瀆舊不煩備
而不奢上合紫臺稽之中和下合聖制事得禮儀於
是四方士仁聞君風耀敬咏其德尊琦大人之意遠
邇之思乃共立表石紀傳億載其文曰皇皇聖統華
胥承天畫卦顏育空桑孔制元孝俱祖紫宮大一所
授前門九頭以什言教後封百玉獲麟來吐制不空

作承天之語乾元以來三九之載八皇三代至孔乃
備聖人不世期五百載三陽吐圖二陰出讖制作之
義以俟知者於穆韓君獨見天意復聖二族遠越絕
思修造禮樂胡璉器用存古舊宇愍愍宅廟朝車威
燾出誠造輿漆不水解工不爭賈深除玄汗水通流
注禮器升堂天雨降澍百姓訢和舉國家慶神靈祐
誠竭敬之報天與厥福永享年壽上極華紫旁仗皇
代刊石表銘與乾運耀長期蕩蕩於盛復授赫赫罔
窮聲垂億載

蔡邕汝南周巨勝碑文厥初生民天賜之性有麗有醇有否有聖伊茲周君允丁其政誕茲明德自始哲今與乎其文如星之布確乎不拔如山之固追綜先緒應期作度潛心大猷譚思德謨遁世無悶屢辭王寮洋洋必立予以逍遙茂爾童蒙是訓是教瞻彼榮寵靡言諸雲霄優哉游哉俾此弘高令名華夏光耀昆苗清風丕揚德音孔昭

又京兆尹樊陵碑文於顯哲尹誕德孔彰膺帝休命謂篤不忘爰納忠式規悟聖皇欽崇園邑大孝允光九命車服昭示采章軒輅四牡承祀烝嘗多士時貢繇役永息進茹孔夷民清險棘同體諸舊兆萌蒙福惠垂無疆守以罔極

又童子逢盛碑嘉辭伯彌天授其姿蚤克岐嶷聰敏敏達當遂過地立號建基時非三代符命無恒人生在世壽無金石身潛名彰顯於後葉

武都太守李翕西狹頌漢武都太守漢陽阿陽李君諱翕字伯都天姿明敏敦詩悅禮膺祿美厚繼世卽吏幼而宿衛弱冠典城有阿鄭之化是以三剖符守

發黃龍嘉禾木連甘露之瑞動頌經古先之以博愛
陳之以德義示之以好惡不肅而成不嚴而治朝中
惟靜威儀抑抑督郵部職不出府門政約令行強不
暴寡知不許愚屬縣趨教無對會之事徼外來庭面
縛二十餘人年穀屢登倉庫惟億百姓有蓄粟麥五
錢郡西狹中道危難阻峻綠崖俾閣兩山壁立隆崇
造雲下有不測之谿阨芒促迫財容車騎進不能濟
息不得駐數有顛覆實隊之閭過者創楚惴惴其慄
君踐其險若涉淵冰嘆曰詩所謂如集于木如歸于

谷斯其殆哉困其事則為設備今不圖之為患無已
勅衙官有秩李瑾掾仇審因常繇道徒鑿燒破析刻
白確鬼滅高就埤平夷正曲柙斂土石堅固廣大可
以夜涉四方無雜行人懽懽民歌德惠穆如清風乃
刊斯石曰赫赫明后柔嘉惟則克長克君牧守三國
三國清平詠歌懿德瑞降豐稔民以慎植威恩並隆
遠人賓服鑿山浚瀆路以安直繼禹之迹奕世賴福
魏大饗碑惟延康元年八月旬有八日辛未魏王龍
興踐祚規恢鴻業構亮皇基萬邦統世念吳夷之凶

言海遺珠卷之一
暴滅蜀虜之僭逆于赫斯怒順天致罰奮虓虎之校
簡猛銳之卒爰整六軍率匈奴暨單于烏桓鮮卑引
弓之類持戟百萬控弦千隊玄甲曜野華旗蔽日天
動雷震星流電發戎備素辦役不更籍農夫安疇商
不交肆是以士有拊譟之驩民懷惠康之德皇恩所
漸無遠不至武師所加無強不服故寬令西飛則蜀
將東馳六旆南徂則吳黨委質二虜震驚魚爛渚潰
將汎自三江之流方軌中來之阪斬吳夷以染鉞血
蜀虜以豐鼓曜天威於遐裔復九圻之疆寓除生民

之災奪去聖在皇之宿憤次于舊邑觀象而動築壇壇
之官置表著之位大饗六軍爰及譙縣父老男女備
饗之日陳兵清涂慶雲垂覆乃備俾禦整法駕設天
官之列衛采金華之駕輅建升龍於太常張天狼之
威弧千葉風舉萬騎龍驤威靈之飭震曜康衢旣登
高壇蔭九層之華蓋處流蘇之幄坐陳旅酬之高會
行無筭之酣飲千酒波流香蒸陵積晉師設縣金奏
讚樂六變旣畢乃陳祕戲巴俞九劍奇舞麗倒衝夾
踰鋒上南踰高舂鼎彝種舞輪隨鏡騁狗逐兎戲馬

立騎之妙技白虎青鹿碎非碎耶魚龍靈龜國鎮之
怪獸壞變屈出異巧神化自卿校將守以下下及陪
臺繇園莫不歎淫宴喜成懷醉飽雖夏落均臺之手
周成岐陽之殺高祖邑中之會光武舊里之宴何以
尚茲是以刊石立銘光示來葉其辭曰赫王師征南
裔奮靈威震天外吳夷讐蜀虜竄區夏清八荒艾幸
舊邦設高會皇德洽洪恩邁刊金石光萬世

稽叔夜魏散騎常侍步兵校尉東平太守碑我我先
生天柱無欲玄虛恬淡混濟榮辱盪滌穢累婆娑山
足胎胞造化韜蘊光燭鼓棹滄浪彈冠嶠岳頤神太
素簡邁世局澄之不清溷之不濁翱翔區外遺物塵
俗隱處巨室及貞歸漠汪汪淵源邁跡圖錄

漢榮瀆石門碑惟陽嘉三年二月丁丑使河堤謁者
王誨疏達河川述荒廢土云大河衝塞侵蓄金堤以
竹籠石葺葦土而為遏壞隤無已功消億萬請以濱
河郡徒疏山采石壘以為鄣功業既就僇役用息未
詳詔書許誨立功府卿規基經始詔策加命遷在沈
州乃簡朱軒授使司馬登令績茂前緒稱遂休功登

以伊洛合注大河南則緣山東過大伾回流北岸其
勢鬱濛濤怒湍急激疾一有決溢彌原淹野蟻孔之
變害起不測蓋自姬氏之所常虞昔崇鮌所不能治
我二宗之所劬勞於是乃跋涉躬親經之營之率百
姓議之于臣伐石三谷水匠致治立激岸側以捍鴻
波隨時慶賜說以勸之川無滯越水土通演役未踰
年而功程有畢斯乃元勲之嘉課上德之凱表也昔
禹修九道書錄其功后稷躬稼詩列于雅夫不憚勞
謙之勤夙興厥職七國惠民豈得湮沒而不章焉故
刊石記功垂示于後其辭云云

魏野王令司馬孚修沁口碑臣采訪臣被明詔與河
內水利臣既到檢行沁水源出銅堤山屈曲周迴水
道九百自大行以西玉屋以東層巖峻天時霖雨衆
谷走水小石漂送木門朽敗稻田汎澆歲功不成臣
輒按行去堰五里以外方石可得數萬餘枚臣以為
方石為門若天教旱增堰進水若天霖雨陂澤充溢
則開方斷水空渠衍澇足以成河雲雨由人經國之
謀暫勞未逸聖王所許願陛下特出臣表勅太司農

府給人工勿使稽延以贊時要臣孚言詔書聽許
衛凱西嶽華山亭碑惟光和元年歲在戊子名曰成
池季冬己巳弘農太守河南樊府君諱毅字仲德下
車之初恭肅神祀西嶽至尊詔書奉詞躬親自往首
從勞謙即事有漸散齊華亭齊堂逼窄郡縣官屬清
齊無處尊卑錯綜精誠不固畏天之威逢斯瘴怒時
雨不興其澍不布念存黔首懼聞曠素於是與令巴
郡胸臆先讜公謀圖議繕故斷度擇廊立室異處左
右趨之莫不競慕二年正月己卯興就既成有元休

嘉隆將各得竭情福祿是願刻茲碑號吏卒俠路其
辭曰巖巖西岳五鎮次宗緒德之尊太華優隆皇帝
求思祀典孔明高神育宴主璧贊通赫赫在上以高
萬邦惟嶽降神寔生群公卿士百辟績業攸蒙帝命
不遠歲事報功群后命卿散齋外亭敬恭明祀以奉
光靈處所逼窄有聲神樂其靜脩暈無形尊卑
有序潔心致誠因繕舊室整頓端平在其板屋孰不
嘉精天人同道萬祚來迎既受帝祉延于後生為龍
為光顯入王庭為公為侯福祿來成刊石記號永享

利貞

王迄壽桐柏廟碑法法淮源聖禹所導湯湯其迹惟
海是造疏穢濟遠柔順其道弱而能強仁而能武聖
賢立式明哲所取定為四瀆與河今古烈烈明府好
古之則虔恭禮祀不愆其德惟前廢弛匪恭匪力灾
膏以興陰陽以感陟彼高岡臻茲廟側肅肅其敬靈
祗降福雍雍其和民用悅服穰穰其慶年穀豐植望
君輿駕扶老携集慕若塵軌奔走忘食懷君惠况思
君罔極于胥樂今傳於萬億

祭豈九疑山碑巖巖九疑峻極于天彌石膚合與播
建雲時風嘉雨浸潤下民芒芒南土實賴厥勛逮于
虞舜聖德光明克諧頑傲以孝蒸菜師錫帝世克而
授徵受終文祖璇璣是承太階以平人以有終遂葬
九疑解體而升登此崔嵬託靈神仙

漢故中常侍騎都尉樊君之碑君諱安字子祐南陽
湖陽人也厥祖曰仲山父翼佐周宣出納王命為之
喉舌以致中興食菜于樊子孫氏焉奕世載德守業
不愆在漢中葉篤生哲媛合南頓實產世祖征討逆

言通卷之二
畔復漢郊廟而樊氏以帝元舅顯受茅土封寵五國
毒張侯以功德加位特進其次並已高聲處鄉校侍
中尚書據州典郡不可勝載為天下學治韓詩論證
孝經兼典記傳古今異義其貧樂約意不回貳天資
淑慎稟性有直秉操不移不以覬貴世政促峻邑宰
寡識慢賢後德被以勞事然後慷慨官于王室歷中
黃門沉從儀史拜小黃門小黃門右史遷藏府令中
常侍其事上也貞固密慎矜矜戰戰作主股肱助國
視聽外職不誣內言不泄為近臣楷模以兄弟並盛
爰據二郡宗親恃賴榮年五十有六以求壽四年二
月甲辰卒朝思其忠追拜都尉寵以應綏策書褒歎
賻贈有加嗣子遷寔以幼弱夙叙王爵而喪其所天
禮備復位以延熹三年冬十有一月自上蒸祭乃畢
惟烈考恭修之懿勒之碑石俾不失墜

衛覬漢金城太守殷君碑君諱華字叔時上郡之人
大匠君之子也其先出自有殷因國定氏不改其
號聖哲玄流至君而懿幼應瓊蘭之美長有冲遠之
志敦詩閱禮謠調行貴誕循前業守以恪恭仕歷州

郡忠愕有分其大操也耽耽虎視龍變不羈故能維
傑於并域聲班於上京察何孝廉貢除郎中左馮翊
丞協宣文物公事知州譽茂才宛丘令崇行寬猛示
之禮禁褻廷庠校政以惠和三載陟嶺邪臨金城郡
輯羗虜避難遷移後無民匱室如懸蓋乃敷權畧獎
厲信檢稅率服不敢窺踰兵戢而時動因省徭以習
義興利弭患順其所樂開通狹道造作傳館吏事咸
悅不勞而勸是以縉紳之徒譚講雅誦釋軍旅之犀
革陳俎豆於泮宮其艾檐軫旌顯才良谷量三壽賞
刑不僭邦場寧靜歲時豐登耆叟擊壤童齒謳謔功
碁垣列當升龍祚旻不耆德景命失靈以光和元年
九月乙酉卒官生有嘉休終則鼎銘於是故吏邊竺
江英韓遂等追送遐丘刊石勒勛其辭曰於惟明后
懷德握醇昆台之耀秀出不群文昭有教武列能仁
含舒憲墨以育生民乘紀東壤西國著勛身沒名流
載世常存古之遺老非此孰云于爾臣思續其夏芬
漢敷煌長史武班碑於惟武君允德允恭受天休命
積祉所鍾其在孩提岐嶷發蹤謙恭守約唯誼是後

孝深凱風志潔羊羔樂是節儉恬此芬光孳孳臨川
關見門墻庶仰其首微妙通卓然清問達于帝宮
為時著蔡為帝股肱扶助太和萬民併蒙顯宗燿代
史官書功昊天上帝降茲鞠凶晷忽徂逝哲人云亡
不享黃耆大命摧戕百遺惟正后帝感傷學夫喪師
士女悽愴勒表金門令聞不忘垂示後昆萬載誦揚
邛郫淳曹娥碑孝女曹娥者上虞曹盱之女也其先
與周同祖末胄荒流爰茲適居盱能撫節按歌婆婆
藥神以漢安二年五月時迎五君逆濤而上為水所
淹不得其尸時娥年十四號慕思盱哀吟澤畔旬有
七日遂投江死經五日抱父尸出以漢安迄于元嘉
元年青龍在辛卯莫之有表度尚設祭誄之辭曰驚
伊孝女曄曄之姿偏其反而令色孔儀窈窕淑女巧
笑倩兮宜其家室在洽之陽大禮未施嗟喪慈父彼
蒼伊何無父孰怙訴伸告哀赴江求覓視死如歸是
以眇然輕絕投入沙泥翩翩孝女載沉載浮或泊洲
渚或在中流或趨湍瀨或逐波濤千夫失聲悼痛萬
餘觀者填道雲集路衢泣淚掩涕驚慟國都是以哀

姜哭市祀崩城隅或有尅面列鏡務耳用乃抱樹而
燒於戲孝女德茂此儔何者大國防禮自修豈此庶
賤露屋草茅不扶自有不鏤自彫越梁過宋比之有
殊哀此真厲千載不渝嗚呼哀哉辭曰名勒金石曾
之乾坤歲數歷祀立廟起坊光于后土顯昭天人生
賤死貴利之義門何悵華落飄零早分葩艷窈窕求
世祀神若堯二女為湘夫人時刻髣髴以昭後昆
諸葛亮黃陵廟記僕躬耕南陽之畝遂蒙劉氏顧草
廬勢不可卻計事善之於是情好日密相拉總師趨

蜀道履黃牛因睹江山之勝亂石排空驚濤拍岸歛
巨石於江中崔嵬嶺岼列作三峯平治泮水順遵其
道非神扶助於禹人力奚能致此耶僕縱步環覽乃
見江左大山壁立林麓峯巒如畫熟視於大江重復
石壁間有神像影現焉鬚髮鬚眉冠裳宛然如彩畫
者前豎一旌旗右駐一黃犢猶有董工開導之勢古
傳所載黃龍助禹開江治水九載而功成信不誣也
惜乎廟貌廢去使人太息神有功助禹開江不事鑿
斧須濟舟航當廟會茲出僕復而與之再建其廟貌

目之曰黃牛廟以顯神功

漢武帝鼎銘登于泰山萬壽無疆四海寧謐神鼎傳
若

漢武帝封禪刻石辭四守之內莫不為郡邑四夷八
蠻咸來貢職與天無極又民蕃息天祿永得

漢祭金馬碧鷄文持節使者王褒敬移南崖金精神
馬縹縹碧鷄處南之荒深溪回谷非上之鄉歸來歸
來漢德無疆廣于唐虞澤配三皇蕃龍見兮白虎仁
歸來歸來可以為倫歸兮翔兮何事南荒也

漢祝長歲祈碑銘惟漢中興卯金休烈和平元年歲
治東宮星屬角房月建朱鳥中宮之均萬物慈射華
澤青葱蛟行蠕息咸守厥常人物同授獨遭災霜類
隕殖落壽不寬弘經設二命君獲其殃

漢從事武梁銘懿德玄通幽以明兮隱君靖處休罷
章兮樂道忽榮垂蘭芳兮身歿名存傳無疆兮
漢黎陽令張公頌公與守相駕蜚魚往來倏忽遠烹
娛慰此屯民寧厥居

漢王史威長銘明明哲士知存知亡崇隴原野非寧

非康不封不樹作靈聖光厥銘何依王史成長
漢資中古碑伏羲贊伏戲倉精初造工業畫卦結繩
以理海內

後漢慎令劉伯麟碑於惟君德忠孝正直至行通洞
高明柔克知命不延引輿旋歸恣然輕舉志激拔蔡
人皆有亡貴終吝今沒而不朽垂名著兮

漢司隸校尉楊厥碑惟川靈定位川澤攸同澤有所
注川有所通斜谷之水其澤南隆八方所達益城為
尤高祖受命興于漢中道由子午出散入秦建定帝

位以漢詆焉後以子午塗路澁難更隨同谷復通堂
光凡此四道堦而尤艱至于求平其有四年詔書開
斜遠通石門中遭元二西夷霍殘橋梁斷絕子谷復
循于是故司隸校尉捷為武陽楊厥字孟文深執忠
伉數主奏請廢于由斯得其度經至建和二年漢中
太守王升字稚紀嘉君明知美其仁賢勒石頌德以
明厥勛

漢析里邨閭頌惟斯析里處漢之右溪源漂疾橫注
于道涉秋霖澆稽滯商旅休謁往還常失日晷行理

言海遺珠卷之一
客嗟郡縣所苦斯溪既然卽閣尤甚臨深長淵三百
餘丈接水相連號為萬柱遭遇隋納人物俱隋沈沒
洪淵酷烈為禍於是太中阿陽李君諱會字伯然以
建寧三年二月辛巳到官思惟惠利有以緩濟聞此
為難其日久矣乃俾府掾仇審改解危殆卽便求隱
析里大橋於爾乃造又驛散關之峭深徙朝陽之平
慘城西高閣就安寧之石道禹導江河以靖四海經
紀厥績爰康萬里

漢無終山陽雍伯天祚玉田之碑玉田縣西北有陽
公壇社卽陽公之故居也陽公名雍伯雒陽人是周
景王之孫食采陽樊春秋之末爰宅無終至性也壽
父母終沒葬之於無終山山高八十里而上無水雍
伯置飲焉有人就飲與石一斗令種之玉生其田北
平徐氏有女雍伯求之要白璧一雙媒氏致命雍伯
至玉田求五雙徐氏妻之遂嫁焉性不好寶玉白自
去今猶謂之為玉田

唐張曙擊甌賦器之為質兮白而貞水之為性兮柔
而清水投器而有象器藉水而成聲始因心而度曲

俄應手以徵情莫不敲蕭熠燿撇揆縱橫胡不自執
絲而起胡不從金石而生孰為節奏樂我生平何彼
穠美高樓燕喜叩寂含商窮玄咀杜拂綺井以連騫
送楓汀之靡迤出隈有雪彪林而雕虎揚晴潭上魚
風捷獵而金虬跋尾目運心語波回浪旋似欲奮而
還駐若將窮而復連得不似驚沙呼鴈高柳鳴蟬董
雙成青藥鷺飢啄開珠網穆天子紅韁馬解踏破瓊
田睟貽衡軒神清調古旣嗟歎之不足諒悲哀以為
主誓不向卑干臺畔和寒葉胡笳定不入宋玉楚中

隨齊竿楚舞疾徐奮袂曲折縈紉潄溪下隴底之泉
嗚咽上泚陽之櫓鶯隔溪而對語一浦花紅猿裹樹
以哀吟千山月午斯皆從有入無妙動玄樞灑颺則
水心雲母丁當則杖杪真珠於是發春卉駭靈姝羞
殺兮鈿箏金鐸愁聞兮鬼嘯神呼時也由闕酒闌煙
迷霧隔覽故步以躑躅有餘聲而滴瀝臨流而欲去
依依轉首而相看脉脉太守口遭止良辰好樂還淳
諷賦已勞于進牘謳歌為序其芳塵余乃歌曰江風
起兮江樓春千里萬里兮愁殺人樓前芳草兮關山

道江上孤帆兮楊柳津是何賦我兮擊拊春我兮懸
懃回首而漁翁鼓柁凝眸而思婦密巾夫嘗筵一曲
人生一世何紛操乎是非何顧慕乎隆替飄縷宜入
醉鄉來自識天人之際

四皓見秦政暴乃逃入藍田山作歌曰漠漠高士深
谷逶迤燁燁紫芝可以療飢唐虞世遠吾將安歸駟
馬高蓋其憂甚大富貴之留人不如貧賤之肆志

鳳州遁迹山有郭家崖景德二年軍人楊起忽入一
洞穴穴中有石臺鑑架一坐鏡圓五寸背鑄水族回

環有銘三十二字曰煉形神治榮膺良工當眉寫翠
對臉傳紅如珠出匣似月停空綺窗繡幌俱涵影中

天寶初劉朝霞賀幸溫泉賦若夫天寶二年十月後
兮臘月前辦有司之供具命駕幸于溫泉天門乾開
露神僊之輻輳奎輿劃出驅甲仗以駢闐青一隊兮
黃一隊熊踏骨兮豹牽背朱一團兮繡一團玉鏤珂
兮金錢鞍直攬得盤古髓指得女媧瓢遮莫爾古時
千帝豈如我今日三卽別有窮奇踴蹙失踰猖狂骨
體雖短伎藝能長夢裏幾回富貴覺來依舊悽惶今

日是千年一遇叩頭莫五角三張

詩僧上秦師坦壽詞不祝公公椿與松椿松老大空
無用不祝公公鶴與龜鶴龜汨沒徒泥中祝公願作
天上月歲歲年年常皎潔錦城初動五更鐘引領表
星朝北闕

蜀道觀中鑿井得一碑刻文曰有物有物可大可又
採乎蠶食之前用乎火化之後成湯自上而臨下泰
父虛中而見受氣應朝光功叅夜漏白英聚而雪慙
黃酥凝而金剛轉制不已神趣點驟金歎玉歎天年
地壽無著於文訣之在口

錢塘僧清順西湖僧舍壁間詩竹暗不通日泉聲落
如雨春風自有期桃李亂深塢

大梁景德寺峨眉院壁間語日落日斜西風冷幽人
今夜來不來教人立盡梧桐影

高郵王觀莫惱翁篇曰穀垂乾穗豆垂角兩足年登
不勝樂烏巾紫領銀鬚長白酒滿盃翁自酌翁醉不
知秋色涼兒持翁鬢孫撼床莫惱翁翁年已高百事
慵

魏鍾繇書文武將墜乃俾俊臣整我皇綱董此不虞
古君子即戎從身昭其果毅尚其相相師尚七十氣
冠三軍詩人作歌如鷹如鷂天有泰一五將三門地
太公金匱硯書曰石墨相著邪心說言無得汗白
庾有吾謝銅硯筆格格云煙磨青石已踐孔子之壇
管挿銅龍還笑王生之壁

黎逢石硯賦琢而磨之其滑如砥欲研精而染翰在
虛中而貯水水隨暈而還周墨浮光而黛起明而未
缺是以為用久而不渝故以為美成器尚古徵闕里
於素王匠法增華參會稽之內史又云一拳之石取
其堅一勺之水取其淨又云對此大匠厠諸馮筆見
珍于殺青之晨為用于草玄之日

文嵩石虛中傳云石虛中字岳巖器度方圓中心坦
然若汪汪萬頃之量封即墨侯與宣城毛元銳燕人
易玄光華陰楮知白皆同出處按石虛中硯也

詞海遺珠卷之二

除書

詞海遺珠卷之二終

詞海遺珠卷之二

潯陽勞堪編

東陽王乾章校

本心翁食品二十贊
 啜菽曰禮不云乎
 啜菽飲水素以絢
 兮瀏其清矣羹菜曰先聖齊如菜羹瓜祭移以奉
 賓乃敬之至粉簞曰天官道人糗餌粉簞未見君子
 怒如調饒薦韭曰四之日蚤函風祭韭我思古人如
 蘭其臭貽來曰貽我來思玉屑塵細六出飛花天
 一生水註云來小麥也今水引蝴蝶麵玉迥曰山有

靈藥錄于仙方削數片玉漬百花香註云玉延山藥也炊熟片切漬以生蜜瓊珠曰汲金井水煮瓊珠羹蚌胎的礫龍目晶熒註云圓眼乾荔也劈開取實煮以清泉玉磚曰截彼圓璧琢成方磚有馨斯椒薄瀝以鹽註云炊餅方切椒鹽糝之

銀壘曰泠泠水白剪剪銀黃壘蓋風味牙齒宮商註云黃壘白水薑椒和之玉版曰春風抽籜冬雪挑鞭洪輿公族孤竹君孫註云筍也可羹可菹雪藕曰中虛七竅不染一塵豈但爽口自可觀心註云蓮根也

工酥曰雪浮玉糝月浸瑤池咬得菜根百事可為註云蘆菹也作玉糝羹炊粟曰周人以粟亦可。以誓紫殼吹開黃中通理註云丞開蜜漬煨芋曰朝三暮四狙公何為卻彼羊羔旨吾導鴟註云煨香片切采祀曰丹實纍纍綠苗菁菁餌之羹之心開目明註云枸杞也可餌可羹其齊曰誰謂荼苦其甘如薺天生此物為山居賜註云薺菜也東坡有食薺法且曰天生此物為幽人山居之福菜粉曰碾破綠珠撒成銀縷熟蠟金石清徹肺腑註云菜豆粉也鋪薑為羹紫芝

言清... 卷之二
二
曰漆園之菌商山之芝淫生者腴卉生者奇註云
也木蕁為良白粲曰糝之叟叟黍之浮浮有一簞食
吾復何求註云炊玉粒沃以香湯水團曰團團秫粉
點點簾霜浴以沉水清其且香註云秫粉包糖香湯
浴之

昭明太子銅博山香爐賦稟至精之純質產靈嶽之
幽深探般僞之妙旨運公輸之巧心有蕙帶而晶隱
亦寬裳而升僊寫高山之巖從象鄧林之阡眠於時
青煙司寒夕光翳景翠帷已低蘭膏未屏炎蒸內耀
苾芬外揚似慶雲之呈色若景星之舒光信名嘉而
用美末為玩於華堂

漢劉向薰爐銘嘉此正氣嶄崑若山上貫太華承以
銅盤中有蘭綺朱火青煙

梁孝元帝香爐銘蘇合氤氳飛煙若雲時濃更薄乍
聚還分火微難盡風長易聞孰云道力慈悲所薰

燕山驛壁間無名氏詞云書劍憶游梁當時事底處
不堪傷念蘭楫嫩漪向吳南浦杏花微雨窺宋東墻
禁城外燕隨青步障綠惹紫遊韉曲水古今禁煙前

後綠楊橫閣。芳草池塘。回首斷人腸。流年去如電。雙
鬢如霜。欲道當年遺恨。頻近清觴。聽出塞琵琶。風沙
浙瀝。寄書鴻鴈。煙月微茫。不似海門潮信。猶到潯陽。
建州崇安分水驛壁間無名氏詩。江南三月。已聞蟬
麥熟。梅黃。繭作綿。料得故園煙雨裏。輕寒猶作。勒花
天。

丹陽王乳泉壁間無名氏詩。騎馬出門三月暮。楊花
無忝雪漫天。客情最苦。夜難度。宿處先尋無杜鵑。

宣政間修西京洛陽大內掘地得一碑。隸書小詞一

闕名。後庭宴其詞曰。千里故鄉十年華。屋亂魂飛過
屏山。簇眼重眉。樾不勝春。菱花知我銷香玉。雙雙燕
子歸來。應解笑人幽獨。斷歌零舞。遺恨清江曲。萬樹
綠低迷。一庭紅撲。款

陽羨溪寺壁間無名氏詩。碧雲亭上碧流飛。竟日迴
環面翠微。梅萼破香。知臘盡。柳梢含綠。認春歸。風前
古澗琴三疊。雪後群峯玉一圍。遙想上人清太甚。水
晶宮裏說禪機。

汪彥章武陵桃源行。祖龍門外神傳壁。方士猶言仙

可得東行欲與美門親咫尺蓬萊滄海隔那知平地
有青春只屬尋常避世人關中日月空萬古花下山
川長一身中原別後無消息聞說胡塵因感昔誰教
晉鼎判東西却宛秦城限南北人間萬事愈堪憐此
地當時亦偶然何事區區漢天子種桃辛苦望長年
魏胡武靈后楊白華歌陽春二三月楊柳齊作花春
風一夜入閨闥楊花飄落入南家含情出戶脚無力
拾得楊華淚沾臆秋去春來雙燕子願啣楊華入窠
裏

湘妃廟神詩碧杜紅蘅縹緲香冰絲彈月弄新涼峯
巒向曉渾相似九處堪疑九斷腸

倚松道人謂武將念佛以米記數作佛米贊時平主
聖萬國自靖不殺而忒不征而正矯矯虎臣無所屈
命移將東南介我佛會又聞我曹念佛三昧喑鳴叱
咤化為佛聲三令五申易為佛名一佛一米為米三
升自升而斛自斛而斛念之無窮太倉不足

李衛公步虛詞云仙女侍董雙成桂殿夜寒吹玉笙
曲終却從仙官去萬戶千門空月明河漢女玉鍊顏

雲軒往往到人間。九霄有路去無迹。裊裊天風吹珮環。

杜牧之逸詩三日去還住。一生焉再遊。含情碧溪水。重上粲公樓。

董仲舒救日食祝曰。炤炤大明。纖滅無光。柰何以陰。侵陽以卑凌尊。

劉禹錫何卜賦曰。同涉于川。其時在風。公者之吉。泝者之凶。同執于野。其時在澤。伊種之利。乃穆之厄。

張子厚夢中詩。楚岫雲嬌。宋玉愁月。明溪淨印。銀鈎。

襄王定是思前夢。又抱霞衾上玉樓。

晁无咎楊府君碣云。范之山兮石如砥。木蕭蕭兮草靡靡。侯愛我邦兮歸萬里。山中人兮春復秋。日慘慘兮雲幽幽。侯壯長兮所居游。侯之來兮民喜風飄帷。今雨霑几鼓淵淵兮。舞侯祀紛進拜兮。侯鄰里侯不見兮。德可思侯行不來兮。民心悲謂侯飲食兮。無去斯福爾之土兮。以慰民之思。

裴說寄邊衣詩。深閨乍冷。開香篋。玉筋微微濕。紅頰一陣霜。風殺柳條濃煙。半夜成黃葉。重重白練明如。

雪獨下閑階轉凄切。祇知抱杵搗秋砧。不覺高樓已
無月。時聞塞雁聲相喚。紗窓只有燈相伴。幾展齊紈
又懶裁。離腸恐逐金刀斷。細想儀形執牙尺。回刀剪
破澄江色。愁捻金針信手絳。惆悵無人試寬窄。時時
舉手勻殘淚。紅箋漫有千行字。書中不盡心中事。一
半殷勤託邊使。

王密明州刺史河東裴公紀德碣云驚逋復田疇闢
教以耕耨故為政可朞月而致寬之則澆令非行公
之化夷俗為鄒魯使父子長幼各得其宜

晉摯虞庖犧贊昔在上古惟德居位庖犧作王世尚
醇懿設卦分象開物紀類施罟設網人用不匱

神農贊神農居世通變該極民衆獻妙乃教稼穡聚
貨交市草木播植務濟其本不通其飾

黃帝贊黃帝在位實號軒轅車以行陸舟以濟川孤
矢之利弭難消患垂衣而治萬國乂安

唐堯贊唐帝放勛欽明文思惟天為大惟堯則之德
巍蕩蕩萬邦雍熙

夏禹贊決隄疏河刊山敷土四隩既宅爰倫彼紱屨

宮菲會以寧區宇

殷湯贊膺也惟商實惟成湯三五迭典會帝稱主
周文王贊周文翼翼儀形體教上帝是臨神明是勞
東鄰之昏西鄰之曜九有既集以聖易暴

周武王贊於皇武王天命是鍾七德既耀莫不率從
卷清宇宙盪商之蹤

魏曹植母儀頌殷湯令妃有莘之女仁教內修度義
以處清寧後宮九殞有序伊為媵臣遂作元輔

明賢頌於鑠姜后光配周宣非義不動非禮不言長
起失朝未恭告愆王用勤政萬國以虔

姜姬簡狄替嚳十四妃子皆為皇帝摯早崩堯承天
網玄鳥大跡殷周美祥稷契既生羽化虞唐

禹妻贊禹妻塗山土功是急惟啓之生過門不入矯
達明義勲庸是執成長聖嗣天祿以襲

隋牛弘郊祀昊天上帝歌肇禋嚴祀式奉尊靈因高畫
敬掃地推誠六宗隨光五緒陪營金石諧合絲竹裏

清我粢既成我酌惟明元神是鑒百福來成
梁江淹奏宣列之樂歌殷崇配天周尊明祀瑞合汾

陰夢回春時青幕雲舒丹殿霞起二曜惟新五精告
始于以饗之景福是履

後漢王粲太廟頌思皇烈祖時邁其德肇啓洪源貽
嬰我則我休厥成聿先厥道丕明丕欽允時祖考

崔駰東巡頌升九龍之華旗巡翠霓之旌旄三軍蹙
激羽騎火列天動雷震隱隱麟麟又北狩頌雍容清

屈謐爾無虞重拱穆穆神行化馳

班固南巡頌維漢再命爰葉一十協長和則天經郊
高宗光六幽通神明既締租于西都又將裕于南庭

是時聖運天官之濶駕建日月之旃旌

郭璞釋天地圖贊祭地肆蓬郊天致煙氣升太一精

淪九皋聖敬不文明德惟鮮

北齊邢子才賀老人星詩瑞動星光照北極

庶徵符社錄將以贊時雍

郭璞飛魚贊飛魚如脉赤文無君食之辟兵本畏雷

音

曹植承露盤銘大形見者莫如高物不朽者莫如金
氣之清者莫如露盛之安者莫如盤

蔡邕楔文洋洋暮春厥月除已尊早煙驚惟女與士
自求百幅在洛之溪

隋薛道衡夏晚詩流火稍西傾夕影遍層城高天蒼
遠色秋氣入蟬聲

徐廣秋賦招搖西建天高氣清飛霜凝酒悴葉藏寒

魏文帝燕歌行秋風蕭瑟天氣涼草木零落露為霜

湯惠休白紵歌秋風娟娟入曲房羅帳含月思心傷

蟀蟀夜鳴斷人腸長夜思君心飛揚他人相思君莫

忘錦衾玉席徒為芳

阮籍大人先生歌陽和微弱陰氣竭海凍不流綿絮

折呼吸不通寒冽冽

晉劉臻妻元日獻椒花頌旋穹周迴三朔肇建青陽

散輝澄景載煥美哉靈花爰採爰獻聖容映之永壽

於萬

潘尼已日詩藹藹蔬圃載繁載榮淡淡天泉載淥載

清

魏文帝與鍾繇書歲往月來忽復九月九日為陽葵

而日月並應俗嘉其名以為宜于長久故以享宴高

會是凡律中無射言群木庶草無有射地而生於芳
菊紛然獨非非夫含乾坤之純和體芬芳之淑氣孰
能如此故屈平悲冉冉之將老思殫秋菊之落英輔
休延年莫斯之貴謹奉一束以助彭祖之術

王讚皇太子會詩玄陰受謝青陽啓號氣以升新光
以求照

北齊魏收蜡節詩凝寒迫清祀有酒宴嘉平宿心何
所道藉此慰中情

庾肅之山贊懸崑沓霧神明攸居官府風雲懷吐川

渠

栢玄南遊山詩序姑洗之旬始暨衡嶽懋輿素石映
濯水湄

庾信終南山義谷銘寥廓上浮崢嶸下鎮立壁千丈
橫峯萬仞松桂危懸風泉虛韻乘輿嶺坂舉鍾雲根
八溪分注九谷通源北含銅井南浮石門橫鴻大河
銀繩百堵膠葛九成徘徊千柱桂棟凌波梅梁垂雨
疏川奠嶺落實摧柯事均刊木功伴鑿河

晉陳總奉詔請兩祈大石文峩峩大石佐岳通理含

滋吐潤惠我四海

表曜釋奠詩南庠貴齒東學尚親卑躬下問降禮師
臣圓冠濟濟方領恂恂

荀勗從武帝華林園宴詩習習春陽帝出乎震天施
地生以應仲春思文聖皇順時乘人欽若靈則飲御
嘉賓洪恩普暢慶及衆臣

後漢遠夷慕德歌蠻夷所處日入之部慕義向化歸
自明主聖德思深與人富厚冬多霜雪夏多和雨寒
溫時適部人多有涉危歷險不遠萬里夷俗歸德心

歸慈母

又歌荒服之外土地境墉食肉衣皮不見鹽穀吏譯
傳風大漢安樂携負歸仁長頸臣僕

摯虞孔子贊仲尼大聖遭時昏荒河圖沉翳鳳為幽
藏爰整禮樂以綜三綱因史立法是謂素王

漢徵君伏生墓碑其畧云以明經為秦博士秦坑儒
士伏生隱焉漢興教于齊魯之間文帝撰五經尚書
太傅安車徵之年老不行及使掌故歐陽生等受尚
書於徵君

李尤盟津銘曰洋洋河水朝宗于海徑自中州龍圖
所在

崑崙有銅柱銘曰崑崙銅柱其高入天員周如削膚
體羨為

漢侍郎張奐為安定屬國都尉羗有獻金馬者奐召
主簿張祁入於羗前以酒酌地曰使馬如羊不以入
廐使金如粟不以入懷

秦始皇使蒙恬築長城死者相屬民歌曰生男慎勿
舉生女甯用脯不見長城下尸骸相支柱

魏太平真君三年廣德殿碑頌肅漢帝道振攝四荒
有蠻有戎自彼氐羗無思不服重譯稽顙恂恂尚秦
歛歛推忘峨峨廣德弈弈焜煌

赫連龍昇七年遺將作大匠梁公叱丁阿梨為龍雀
大錄號曰大夏龍雀銘其背曰古之利器吳楚湛盧
大夏龍雀名冠神都可以懷遠可以乘逋如風靡草
威服九區

郭林宗碑其畧曰將蹈洪崖之遐迹紹采由之逸軌
翔區外以舒翼起天路以高峙稟命不羸享年四十

有三建寧四年正月丁亥卒凡我四方好之人未
懷哀痛乃樹碑表墓昭銘景行云

霍太山惡來飛燕石棺銘曰帝今處父不與發亂賜
汝石棺以葬

漢上谷長史侯相碑云侯氏出自倉頡之後踰殷歷
周各以氏分或著楚魏或顯齊秦晉卿士為斯其裔
也

滎陽鄉亭侯李勝祠前有石躡躡上有石刻的銘
其存其畧曰百族欣戴咸推厥誠

長垣有蓬亭伯王祠曹大家東征賦云到長垣之境
界兮察農野之居民觀蒲城之丘墟兮生荆棘之藜
藜蓬氏在城之東南兮民亦嚮其丘墳唯令德之不
朽兮身既歿而名存

聲伯夢涉洹水或與其瓊瑤而食之泣而又與瓊瑤
盈其懷夫從而歌曰濟洹之冰贈我以瓊瑤歸乎歸
于瓊瑤盈吾懷乎

漳河神壇碑曰河內修武縣張導字景明以建和三
年為鉅鹿太守漳津汎濫士不稼穡導披披地圖與

正水路功績有成民用嘉賴

五迴巖石碑云皇帝以太延元年十二月車駕東巡
運五迴之嶮途覽崇峯之竦峙乃停駕路側援弓而
射之飛矢踰于巖山刊石用讚元功

給事黃門侍郎潘岳碑曰君遇孫秀之難闔門受禍
故門生感覆醢以增慟乃樹碑以記事

李尤鴻池陂銘曰鴻澤之陂聖王所規

陳城有漢相王君造四縣碑其畧曰惟茲陳國故
曰淮陽郡云云王清惠著聞為百姓畏愛求賢養七
千有餘人賜與田宅更舍自損奉錢助之頌曰修德
立功四縣回附

仙人王子喬碑曰王子喬者蓋上世之真人聞其仙
不知興何代也博問道家或言潁川或言產家初建
此城則有斯立傳承先民曰王氏墓暨于永和之元
年冬十二月當臘之時夜上有哭聲其音甚哀附居
者王伯怪之明則祭而察焉時天鴻雪下無人徑有
大鳥跡在祭祀處左右咸以為神其後有人著大冠

絳單衣杖竹立冢前呼採薪孺子伊永昌曰我王子
喬也勿得取吾墳上樹也忽然不見時令太山萬壽
稽故老之言感精瑞之應乃造靈廟以休厥神於是
好道之疇自遠方集或絃琴以歌太一或譚思以歷
所思知至德之兆寔真人之祖先延熹八年秋八月
皇帝遣使者奉犧牲致禮祠濯之敬肅如也國相東
萊王璋字伯義以為神聖所興必有銘表乃與長史
邊乾遂樹之玄石紀頌遺烈

陳留北高陽故亭有漢廣野君廟碑延熹六年十二

月雍丘令董生命縣人甚照為文其畧曰輟洗分餐
諮謀帝敵陳鄭有涿鹿之功海岱無牧野之戰大康
華夏綏靜黎物生民以來功盛莫崇

漢太尉喬玄鼎文曰故臣門人相與述公之行容度
體則文德銘于三鼎武功勒于征鉞書于碑陰以昭
光懿又有鉞文稱是用鏤石假象作茲征鉞軍鼓陳
之于東階亦以昭公之文武之勲焉

臨睢有豫州從事皇毓碑云殞身州牧陰君之罪時
年二十五臨睢長平與李君二千石承輪氏夏文則



P17

高其行而悼其殞州國咨嗟旌閭表墓昭叙令德式示後人

臨睢長左馮翊王君碑云善有治功累遷廣漢屬國都尉吏民思德縣人公府掾陳盛孫卽中兒定與劉伯鄰等共立石表政以刊遠績

齊人杞梁殖襄莒戰死其妻援琴作歌曰樂莫樂兮新相知悲莫悲兮生別離

青州陽求復通海岱之士頌通津焉一曰唯彼繩泉竭喻三齡祈盡珪璧謁窮甚生道從隆替降由聖明

曰猶溪赤木盤蛇七曲盤羊鳥攏氣與天通

衡山東南二面臨映湘川自長沙至此江湘七百里中有九背故漁者歌曰汎隨湘轉望衡九面

浦陽江有琵琶圻圻有古冢隨水甃有隱起字云筮吉龜凶八百年落江中

後周王褒温湯銘曰白礬上徹丹砂下沉華清駐老飛流瑩心

祝融峯山有神禹銘古石琅玕姿秘文龍虎形崔融云於鑠大禹顯允天德龍畫榜分螺書畫刻

蜀異物志文章草贊曰文章作酒能成其味以金買草不言其貴

古樂府云道傍兔絲何嘗可絡田中燕谷何嘗可獲羊祐馬賦云排雲墟以頡頏汰弱波以容與進凌厲乎太清退嬉遊於玄渚鳴則相和行則接武前不絕貫後不越序齊力不期而並至四趣不要而自聚當其赴節則萬里不能足其踞苟泛一壑則衆物不能易其所臨空不能頓其翼揚波不能濺其羽浮若漂舟乎江之濤色若委雪乎巖之阿邕邕兮悲鳴雲間

因飛凌虛厲清和渺眇兮瞥入清塵拂日拊翼景光羅

隋許善心神雀頌曰景福氤氳吉加既集

元祐西域貢馬云龍顛而鳳膺卷而豹章振鬣長

鳴萬馬皆瘖

唐人酒令遠望漁舟不濶尺八憑闌一吐已覺空喉接尺八簫管之制也

梁元帝放生池碑玄龜夜夢終日一眠於案王朱鷺晨

飛尚張羅於漢后

吳童誼黃金車班蘭耳闔閭門日一天全

古鏡銘漢有善銅出丹陽和以錫清如明左龍右虎尚三光朱雀玄武順陰陽

頽氏鏡銘鳳皇雙瓊瑤裝陰陽合為配日月常相對

六花水浮鑑銘上方作鑑宜侯王左龍右虎掌四旁

朱雀玄武和陰陽子孫具備屬中央長保二親樂富

昌

十二辰鑑銘名言之知自有知鍊冶銅錫去其滓辟

除不祥宜吉永長保二親利孫子辟如○衆樂典祀壽

比金方西王母

古鏡銘前朱雀後玄武左青龍右白虎宜官秩保子

母又一銘尚方作鏡四夷照效保國家人民息胡虜

殄滅天下復風雨時節五穀孰長保二親子孫力傳

吉後世樂無極

無名氏作孟嘗君夜度函谷賦嘆秦關之百二難聘

狼心笑齊客之三千不如鷄口

漢王符自叙贊章和二年罷州家居年漸七十時可

懸輿仕路隔絕志窮無如年有不然身有利害髮白

西落日月踰邁疇倫彌索鮮有恃賴貧無供養志不
娛快曆數冉冉庚辛或際雖懼終徂愚猶沛沛

四明梓碧山人危箴圍棋制肥水之勝單騎入回紇
之軍此宰相之雅量非將軍之輕身蓋安危未定勝
負未決帳中倉皇則麾下氣懾正所以觀將相之事
業浮海遇風色不變于張融亂兵掠射容不動乎庾
公蓋鯨鯢澎湃舟楫寄躬白刃蠡午節制誰從正所
以試天下之英雄

周司寇區銘亦司寇用造用歸維之百寮考之四

方求之枯福

禮記蜡祝辭土_五其宅水歸其壑昆蟲毋作草木歸
其澤而蔡邕獨斷又有豐年若土歲取千百增此二
句

郭象莊子注亡人無為于刻木而有為於運矩生人
無為于親事而有為於用臣

越絕書種留封侯不知今終二賢比得種獨不榮

岳珂英光堂帖有米元章臨智永真草千文為之贊
曰求之法妍以婉章之體峭以健馬牛其風神合志

通彼妍我峭惟妙惟肖故曰袒揚不究夜戶不啓善
學柳下惠莫如魯男子

漢馬融西第頌西北戌亥玄石承輸蝦蟇吐瀉庚辛
之域

孫思邈四言詩取金之精合石之液列為夫婦結為
魂魄一體混沌兩精感激河車覆載鼎候無忒洪爐
烈火烘燄翁赫煙未及點燄不假碧如畜扶桑若藏
霹靂姹女氣索嬰兒聲寂透出兩儀麗于四極壁立
幾夕馬馳一驛宛其死矣適然從革惡點善遷情回

性易紫色內達赤芒外射熒若火生乍疑血滴號曰
中還退藏于密霧散五內川流百脉骨變金植顏駐
玉澤陽德乃敷陰功乃積南宮度名北斗落籍此詩
雖外方之事而詞語高古傳者甚少

衢州爛柯橋斷碑詩不全中有句云薄烟暮遠郊遙
峯沒歸翼

華陰道有宗忠簡公澤石刻絕句詩二首一云烟濤
晃白初疑雪日映爛斑却是花馬渡急流行小掩柳
絲如織映人家一云管茅作屋幾家居雲碓風帘路

不紆坡側杏花溪畔柳分明摩詰輞川圖

岳武穆湖南僧寺詩潭水寒生月松風夜帶秋

王摩詰逸詩輕陰閣小雨深院晝曠開坐看蒼苔色
欲上人衣來惟見于董道畫跋

眉州象耳山有石刻李白書夜來月下卧醒花影寒
亂滿人襟袖疑如濯魄于水壺也

古歌銅雀詞長安城西雙員闕上有一雙銅雀宿一
鳴五穀生再鳴五穀熟

李益逸詩微風警暮坐歸牖思悠悠門風動竹疑

是故人來時滴枝上露稍沾墜下苔草當一入視為

拂綠琴埃題云竹窻聞風寄前發司空曙

柳子厚題石門長老東軒詩坐來念念非昔人萬倫

蓮花為誰用

唐鄭嵎津陽門詩世多不傳蓋叙開元陳迹也凡七

首其叙五王遊獵云五王扈駕夾城路轉聲校獵得

水濱雕弓繡帶不知數翻身滅沒背蛾眉赤鷹黃鸝

雲中來妖狐狡兔無所依

其叙賜浴云暖山度臘東風微宮娃賜浴長湯池刻

成玉蓮噴香液漱回烟浪深迤迤屏屏象薦雜羅列
錦鳧繡馬相追隨

其叙三國妓淫云上皇寬容易承事十家三國爭光
輝鳴鞭後騎何躩躩宮粧禁袖皆仙姿

其叙教坊歌舞云瑤光樓南皆紫禁梨園仙晏臨花
枝迎娘歌喉玉碎篠蠻兒舞帶金歲鞋

其叙離宮之盛云飲鹿泉邊春露晞粉梅檀杏飄朱
墀金沙洞口長生殿玉蕊峯頭玉母祠蓬萊池上望
秋月無雲萬里懸清輝上皇夜半月中去三十六宮

愁不歸

其叙幸蜀歸復至華清云金輿却入華清宮滿山紅
實垂相思飛霜殿前霜悄悄迎風亭下風颼颼雪衣
女失玉籠在長生鹿瘦銅牌垂象床塵凝晷颼被畫
簷蟲網玻璃碑烟中劈碎摩詰畫雲間自失玄宗詩
孔雀松殘赤琥珀鴛鴦瓦碎青瑠璃

其叙舞馬羽裳云馬知舞徹下珠榻人惜曲終更羽
衣

劍門關絕壁唐明皇詩劍閣橫空峻金輿出狩回翠

屏千仞合州嶂五丁開灌木縈旗轉仙雲拂馬來乘
時方在德嗟爾勒銘才是詩英華及諸唐詩皆不載
臨潼驪山之温湯有石刻元人一詞曰三郎年少客
風流夢繡嶺蠶環漸浴酒發春海棠睡暖咲波生
媚荔子漿寒况此際曲江人不見偃月事無端羯鼓
三聲打開蜀道霓裳一曲舞破潼關馬嵬西去路愁
來無會處但淚滿關山空有香囊遺恨錦襪傳者王
笛聲沉樓頭月下金釵信杳天上人間幾度秋風渭
水落葉長安丹鉛總錄云其石今已磨為別刻

王羲之作蘭亭記又以方金谷序金谷序今不傳實
蘭亭之所祖也其序曰余以元康六年從太僕卿出
為使持節監青徐諸軍事征虜將軍有別廬在河南
縣界金谷澗中或高或下有清泉茂林衆果竹柏藥
草之屬莫不畢備又有水碓魚池土窟其為娛目歡
心之物備矣時征西大將軍祭酒王詡當還長安余
與衆賓共送往澗中晝夜遊宴及夕遷共坐或登高臨
下或列坐水次時琴瑟笙筑合載車中道路並作及
住令鼓吹迭奏遂各賦詩以叙中懷或不能者罰酒

三斗感性命之不來懼凋落之無期故列叙詩人官
號姓名年紀又寫詩著後後之好爭者其覽之哉
夏侯湛補亡詩既殷斯虔仰說洪恩名定匡省奉朝
侍昏宵中告退鷄鳴在門孳孳溫恭夙夜是敦
孫子荆除婦服詩時萬不停日月電流神爽登遐忽
已一周禮制有叙告除靈丘臨祠感痛中心若抽
桓玄作王孝伯誄川岳降靈哲人疋育既爽其靈不
貽其福天道茫昧孰則倚伏犬馬及噬豺狼翹陸嶺
摧高梧林殘故竹人之云亡邦國喪牧于以誅之爰

旌芳郁

隋長壽寺舍利碑浮雲共嶺松張蓋明月與巖桂分
叢王勃滕王閣記語本此

漢鄒長倩與公孫弘書山川阻修加以風露次卿足
下勉作功名竊在下風以俟嘉善漢書不載此

劉孟陽碑有父子然後有君臣理財正辭東帛西裘

公孫棄月賦月出皎兮君子之光君有禮樂我有衣

裳

宋人題釣臺詩龍衮新天子羊裘老故人

廬山古石刻有晉釋慧遠遊廬山詩世罕傳弘明集亦不載其詩曰崇巖吐氣清幽岫棲神跡希聲奏群籟響出山溜滴有客獨冥遊徑然忘所適揮手撫雲門靈闕安足闢留心叩玄扃感至理弗隔孰是騰九霄不奮冲天翮妙同趣自均一悟超三益

元徐迺徽竹枝詞盡說廬家好莫愁不知天上有牽牛賸拋萬斛臘脂水溜向銀河一色秋

沃州岩石刻晉釋帛道猷陵峯採藥詩連峯數千里修林帶平津茅茨隱不見鷄鳴知有人

劉禹錫竹枝詞春江一曲柳千條二十年前舊板橋曾與美人橋上別恨無消息到今朝劉集不載

劉言史瀟湘舟中聽夷女唱暖迺歌云夷女採山蕉緝紗浸江水野花滿髻粧粉紅間歌暖迺深峽裏暖迺知從何處生當年泣舜斷腸聲翠華寂寞嬋娟沒綠篠空餘紅淚情青煙冥冥覆杉桂崕壁凌天風雨細昔人怨恨此地遺碧杜細鞋含怨姿清猿未盡聽鼻切汨水流到湘妃祠北人莫作瀟湘遊九疑雲入

蒼梧愁此詩世罕傳

詞海遺珠卷之二
社工部逸詩三月雪連夜未應傷物華只緣春欲盡
留着伴梨花

梁簡文帝楓葉詩
萎綠映黃青
疏紅分浪白
落葉洒
行舟仍持送遠客

楚景陵西塔寺石刻裴迪詩
景陵西塔寺蹤跡尚空
虛不獨支公住
曾經陸羽居
草堂荒產蛤
茶井冷生
魚一汲清冷水
高風味有餘
此詩自朝川倡和外無傳

詞海遺珠卷之二終

